

十三經古注

四

儀禮

中華書局

〔漢〕鄭玄等注

十三經古注

四

儀禮

中華書局

圖書在版編目(CIP)數據

十三經古注/(漢)鄭玄等注. —北京:中華書局,2014.5
ISBN 978-7-101-10102-7

I. 十… II. 鄭… III. ①經學②《十三經》-注釋
IV. Z126.2

中國版本圖書館 CIP 數據核字(2014)第 075008 號

責任編輯:張繼海

十三經古注

(全十一冊)

[漢]鄭玄等注

*

中華書局出版發行

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

北京瑞古冠中印刷廠印刷

*

880×1230 毫米 1/16·147¼印張·3000 千字

2014 年 5 月第 1 版 2014 年 5 月北京第 1 次印刷

印數:1-1200 冊 定價:490.00 元

ISBN 978-7-101-10102-7

本册目錄

| | |
|---------------|-----|
| 儀禮 | |
| 儀禮序…………… | 六二九 |
| 儀禮目錄…………… | 六三一 |
| 卷一 | |
| 士冠禮第一…………… | 六三五 |
| 卷二 | |
| 士昏禮第二…………… | 六四五 |
| 卷三 | |
| 士相見禮第三…………… | 六五七 |
| 卷四 | |
| 鄉飲酒禮第四…………… | 六六一 |
| 卷五 | |
| 鄉射禮第五…………… | 六七三 |
| 卷六 | |
| 燕禮第六…………… | 六九九 |
| 卷七 | |
| 大射第七…………… | 七二三 |
| 卷八 | |
| 聘禮第八…………… | 七三七 |
| 卷九 | |
| 公食大夫禮第九…………… | 七六九 |
| 卷十 | |
| 覲禮第十…………… | 七七九 |
| 卷十一 | |
| 喪服第十一…………… | 七八五 |
| 卷十二 | |
| 士喪禮第十二…………… | 八〇一 |
| 卷十三 | |
| 既夕第十三…………… | 八二七 |
| 卷十四 | |
| 士虞禮第十四…………… | 八三三 |
| 卷十五 | |
| 特牲饋食禮第十五…………… | 八四三 |
| 卷十六 | |
| 少牢饋食禮第十六…………… | 八五七 |
| 卷十七 | |
| 有司徹第十七…………… | 八六七 |

〔著者小傳〕鄭玄(見前)。

儀

禮

四部備要

經部

上海中華書局據永懷堂

本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

版權所有不許翻印

儀禮序

唐朝散大夫行太學博士弘文館學士賈公彥撰竊聞道本冲虛非言無以表其疏言有微妙非釋無能悟其理是知聖人言曲事資注釋而成至於周禮儀禮發源是一理有終始分爲二部並是周公攝政太平之書周禮爲末儀禮爲本本則難明末便易曉是以周禮注者則有多門儀禮所注後鄭而已其爲章疏則有二家信都黃慶者齊之盛德李孟愬者隋曰碩儒慶則舉大略小經注疏漏猶登山遠望而近不知愬則舉小略大經注稍周似入室近觀而遠不察二家之疏互有修短時之所尚李則爲先案士冠三加有緇布冠皮弁爵弁旣冠又著玄冠見於君有此四種之冠故記人下陳緇布冠委貌周弁以釋經之四種經之與記都無天子冠法而李云委貌與弁皆天子始冠之冠李之謬也喪服一篇凶禮之要是以南北二家章疏甚多時之所以皆資黃氏案鄭注喪服引禮記檀弓云經之言實也明孝子有忠實之心故爲制此服焉則經之所作表心明矣而黃氏妄云衰以表心經以表首以黃氏公違鄭注黃之謬也黃李之訓略言其一餘足見矣今以先儒失路後宜

易塗故悉鄙情聊裁此疏未敢專欲以諸家爲本擇善而從兼增己義仍取四門助教李玄植詳論可否僉謀已定庶可施矣函丈之儒青衿之俊幸以去瑕取玖得無譏焉

儀禮目錄

卷一

士冠禮

鄭目錄云童子任職居士位年二十而冠主人玄冠朝服則是仕於諸侯天子之士朝服皮弁素積古者四民世事士之子恆為士冠禮於五禮屬嘉禮大小戴及別錄此皆第一

卷二

士昏禮

鄭目錄云士娶妻之禮以昏為期因而名焉必以昏者陽往而陰來日入三商為昏昏禮於五禮屬嘉禮大小戴及別錄此皆第二

卷三

士相見禮

鄭目錄云士以職位相親始承摯相見之禮雜記會葬禮曰相見也反哭而退朋友虞祔而退士相見於五禮屬賓禮大小戴及別錄皆第三

卷四

鄉飲酒禮

卷五

鄉射禮

鄭目錄云諸侯之鄉大夫三年大比獻賢者能者於其君以禮賓之與之飲酒於五禮屬嘉禮大戴此乃第十小戴及別錄此皆第四

卷六

燕禮

鄭目錄云諸侯無事若卿大夫有勤勞之功與羣臣燕飲以樂之燕禮於五禮屬嘉禮大戴第十二小戴及別錄皆第六

卷七

大射

鄭目錄云名諸大射者諸侯將有祭祀之事與其羣臣射以觀其禮數中者得與於祭不數中者不得與於祭射義於五禮屬嘉禮大戴此第十三小戴及別錄皆第七

卷八

聘禮

鄭目錄云大問曰聘諸侯相於久無事使卿相問之禮小聘使大夫周禮曰凡諸侯之邦交歲相問也殷相聘也世相朝也於五禮屬賓禮大戴第十四小戴第十五別錄第八

卷九

公食大夫禮

鄭目錄云主國君以禮食卜聘大夫之禮於五禮屬嘉禮大戴第十五小戴第十六別錄第九

卷十

覲禮

鄭目錄云覲見也諸侯秋見天子之禮春見曰朝夏見曰宗秋見曰覲冬見曰遇朝宗禮備覲遇禮省是以享獻不見焉三時禮上唯此存爾覲禮於五禮屬賓大戴第十六小戴第十七別錄第十

卷十一

喪服

鄭目錄云天子以下死而相喪衣服年月親疎隆殺之禮不忍言死而言喪喪者棄上之辭若全存居於彼焉已亡之耳大戴第十七小戴第九劉向別錄第十一

卷十二

士喪禮

鄭目錄云士喪其父母自始死至於既殯之禮喪於五禮屬凶大戴第四小戴第八別錄第十二

卷十三

既夕

鄭目錄云士喪禮之下篇也既已也謂先葬二日已夕哭時與葬聞一日凡朝廟日請啓期必容焉此諸侯之下士一廟其上士二廟則既夕哭先葬前三日大戴第五刪小戴第十四別錄名士喪禮下篇第十三

卷十四

士虞禮

鄭目錄云虞安也士既葬其父母迎精而反日中而祭之於殯宮以安之虞於五禮屬凶

大戴第六小戴第十五別錄第十四

卷十五

特性饋食禮

鄭目錄云特性饋食之禮謂諸侯之士祭祖
禴非天子之士而於五禮屬吉禮

卷十六

少牢饋食禮

鄭目錄云諸侯之卿大夫祭其祖禴於廟之
禮羊豕曰少牢少牢於五禮屬吉禮大戴第
八小戴第十一別錄第十六

卷十七

有司徹

釋曰鄭目錄云少牢之下篇也上大夫既祭
饋尸於堂之禮若下大夫祭畢禮尸於室中
無別行饋尸於堂之事天子諸侯之祭明日
而釋有司徹於五禮屬吉大戴第九小戴第
十二別錄少牢下篇第十七

儀禮目錄

儀禮卷一

漢大司農北海鄭玄註

明後學東吳金蟠訂

士冠禮第一

士冠禮

筮于廟門

筮者以著問日吉凶於易也冠必筮日於廟門者重以成人之禮成于孫也廣謂禰廟不於堂者嫌反廣古廟字禰乃禮反

主人玄冠朝服緇帶素鞶卽位于門東西面

主人將冠者之父兄也玄冠委貌也朝服者十五升布衣而素裳也衣不言色者衣與冠同也筮必朝服尊著龜之道也緇帶黑緇帶也士帶博二寸再練四寸屈垂三尺素鞶白鞶鞶也長三尺上廣一尺下廣二尺其頸皮弁五寸肩革帶博三寸天子皮弁以視朔朝服以視朝則六入與

有司如主人服卽位于西方東面北上

有司羣吏有事者謂主人之吏所自辟除府史以下也今時卒謂主入之吏皆是也

筮與席所卦者具饌于西塾

筮所以問吉凶謂著也所卦者所以畫地記爻易日六畫而成卦饌陳也具俱也西塾門外西堂也音塾

布席于門中闌西闌外西面

闌門槩也闌闌也古文闌為槩闌為槩○闌魚列切闌音域槩其月反闌苦本反槩魚列反

筮人執筮抽上韝兼執之進受命於主人

筮人有司主三易者也韝藏筮之器也今時藏弓矢者謂之韝丸也進前也自西方而前受命者當筮知所

宰自右少退贊命

宰有司主政教者也自由也贊佐也命告也佐主人告所以筮也少儀曰贊幣自左詔辭自右

筮人許諾右還卽席坐西面卦者在左

卽就地也東面受命右還北行就席卦者有司主畫地識爻者也○還音旋後就席此識音志

卒筮書卦執以示主人

卒已也書卦者筮人以方寫所得之卦也

主人受眊反之

反還也○還音環

筮人還東面旅占卒進告吉

旅衆也還與其屬共占之古文旅作臚共

若不吉則筮遠日如初儀

遠日旬之外

徹筮席

徹去也

宗人告事畢

宗人有司主禮者也

主人戒賓賓禮辭許

贊者入道之贊者隨賓

每曲揖

周左宗廟入外門將東曲揖直廟將北曲又揖

至于廟門揖入三揖至于階三讓

入門將右曲揖將北曲揖當碑揖

主人升立于序端西面賓西序東面

主人賓俱升立相鄉

贊者盥于洗西升立于房中西面南上

盥于洗西由賓階升也立于房中近其事也南上尊于主人之贊者古文盥皆作浣

主人之贊者筵于東序少北西面

主人之贊者其屬中士若下士筵布席也東序主人位也適于冠於阼少北辟主人適丁歷反辟

避音

將冠者出房南面

之南面立於房外之西待賓命

贊者奠纒笄櫛于筵南端

贊者賓之贊冠者也奠停也古文櫛為櫛

賓揖將冠者將冠者即筵坐贊者坐櫛設纒

即設

賓降主人降賓辭主人對

主人降為賓將盥不敢安位也辭對之辭未聞為于僞反也

賓盥卒壹揖壹讓升主人升復初位

揖讓皆壹者降於初古文壹皆作一

賓筵前坐正纒興降西階一等執冠者升一等東面

授賓

正纒者將加冠宜親之興起也降下也下一等升一等則中等相授冠緇布冠也

賓右手執項左手執前進容乃祝坐如初乃冠興復

位贊者卒

進容者行翔而前鵠焉至則立祝坐如初坐筵前興起也復位西序東面卒謂設缺項結纒也

冠者興賓揖之適房服玄端爵鞞出房南面

復出房南面者一加禮成觀衆以容體

賓揖之即筵坐櫛設笄賓盥正纒如初降二等受皮

弁右執項左執前進祝加之如初復位贊者卒紘

如初為不見者言也卒紘謂繫屬之

興賓揖之適房服素積素鞞容出房南面

容者再加彌成其儀益繁

賓降三等受爵弁加之服纁裳鞞鞞其他如加皮弁

之儀

降三等下至地他謂卒紘容出

徹皮弁冠櫛筵入于房

徹者贊冠者主人之贊者為之

筵于戶西南面。

筵主人之贊者。戶西室戶西。

贊者洗于房中。側酌醴。加枳覆之面葉。

洗盥而洗爵者。昏禮曰房中之洗。在北堂直室東隅。篚在洗東。北面盥。側酌者。言無為之薦者。面東也。葉枳大端。贊酌者。賓尊不入房。古文葉為篚。

賓揖冠者就筵。筵西南面。賓受醴于戶東。加枳面枋。

筵前北面。

戶東室戶東。今反枋為枳。枋皮命反。枋。

冠者筵西拜受觶。賓東面答拜。

筵西拜南面拜也。賓還答拜於西序之位。東面者。明成人與為禮。異於答主人。

薦脯醢。

贊冠者也。

冠者即筵坐。左執觶。右祭脯醢。以枳祭醴。三興筵末。

坐。啐醴。捷枳興。降筵坐。奠觶拜。執觶興。賓答拜。

捷枳。扱枳於醴中。其拜皆如初。古文啐為呼。啐。七內反。

冠者奠觶于薦東。降筵北面坐。取脯。降自西階。適東。

壁北面見于母。

薦東。薦左。凡奠爵。將舉者於右。不舉者於左。適東。壁者。出闈門也。時母在闈門之外。婦人入。廣由闈門。

母拜。受子拜。送母。又拜。

婦人於丈夫。舉其子。猶依拜。

賓降直西序東面。主人降復初位。

初位。初至階。讓升之位。

冠者立于西階東南面。賓字之。冠者對。

對。應也。其辭未聞。

賓出。主人送于廂門外。

不出外門。將醴之。

請醴。賓禮辭。許。賓就次。

此醴。當作禮。次門外更衣處也。必帷幕。簾席為之。

冠者見於兄弟。兄弟再拜。冠者答拜。見贊者。西面拜。

亦如之。

見贊者。西面拜。則見兄弟。東面拜。贊者後。賓出。

入見姑姊如見母。

入。入寢門也。姊。在寢門外。如見母者。亦北面。姑與姊。亦依拜也。不見姊妹。卑。

乃易服。服玄冠。玄端。爵韠。奠摯。見於君。遂以摯見於鄉大夫。鄉先生。

易服。不朝服者。非朝事也。摯。雉也。鄉先生。鄉中老人。為鄉大夫。致仕者。摯。亦作贊。音至。

乃醴。賓以壹獻之禮。

壹獻者。主人獻賓而已。即燕無亞獻者。獻。酢。酬。賓主人各兩爵。而禮成。特牲。少牢。饋食之禮。獻。尸。此其醴內。則曰。飲。重醴。清。糟。凡三獻。賓。實。不用。糟。文者。坊。

其醴內。則曰。飲。重醴。清。糟。凡三獻。賓。實。不用。糟。文者。坊。